

三因方論石

平因極一病証方論卷三目錄

痺叙論

合痺治法

附子湯

黃芪五物湯

黃芪酒

歷節叙論

歷節治法

芍藥知母湯

烏頭湯

附子八物湯

獨活寄生湯

腳氣叙論

千金叙論

脚氣脉証

太陽經脚氣證

太陽經脚氣治法

麻黃左經湯

陽明經脚氣証

陽明經脚氣治法

大黃左經湯

荷葉藁本湯

少陽經脚氣証

少陽經脚氣治法

半夏左經湯

料簡三陽并合脚氣證

三陽經并合脚氣治法

神秘左經湯

加味敗毒散

太陰經脚氣證兼治法

六物附子湯

少陰經脚氣證兼治法

八味丸

厥陰經脚氣證兼治法

神應養真丹

料簡三陰并合脚氣

三陰并合脚氣治法

地龍丸

川膝丸

十全丹

乳香宣經丸

大犀角湯

四蒸木瓜丸

逐毒湯

脚氣總論

脚氣總治法

烏藥平氣湯

蘇子湯

木瓜牛膝煎

茱萸丸

黑附湯

木通散

素皮小豆散

勝駿丸
法加減

換腿丸

三因極一病證方論卷四目錄

叙傷風論

傷風證治

太陽經桂枝湯

陽明經杏子湯

少陽經柴胡加桂湯

太陰經桂枝芍藥湯

少陰經桂附湯

厥陰經八物湯

叙傷寒論

傷寒辨證

傷寒證治

大陽經麻黃湯

小青龍湯

溫粉

大青龍湯

陽明經承氣湯

大柴胡湯

少陽經小柴胡湯

太陰經治中湯

五積散

順元散

少陰經附子細辛湯

厥陰經麻黃桂枝各半湯

火裏然散

大承氣湯明經足陽

小建中湯見九痛門

傳變次序

料簡傷寒用藥格法
溫脾丸

三陽合病脈證治
葛根湯

兩感證論并治法
四逆湯

料簡兩感治法

陰毒證治

附子散
返陰丹

葱餡熨法

陽毒證治

升麻湯

梔子仁湯

結胸證治

大陷胸湯

小陷胸湯

大陷胸丸

胸痞證治

枳實理中丸

三黃湯

在桔梗枳殼湯之後

桔梗枳殼湯

半夏瀉心湯

勞復證治

白朮散

陰陽易證治

燒視散

蝦鼠糞湯

發斑證治

玄參升麻湯

三因極一病證方論卷五目錄

壞傷寒證治

知母麻黃湯

無憂散

黑奴丸

狐惑證治

桃仁湯

黃連犀角湯

雄黃充散

謔語證治

四逆湯

小柴胡湯

病後虛煩證治

人參竹葉湯

橘皮湯

料簡傷暑叙論

傷暑證治

卻暑散

五苓散

桂苓丸

香薷丸

消暑丸

傷濕叙論

傷濕證治

腎着湯

滲濕湯

寒濕證治

麻黃白朮湯

桂枝附子湯

風濕寒證治

防己黃芪湯

風濕溫證治

白朮茯苓乾姜湯

暑濕風溫證治

茯苓白朮湯

姜豉湯

君火論

五運論

卷五
運氣民病證論

苓朮湯

麥冬湯

附子山茱萸湯

牛膝木瓜湯

川連茯苓湯

後蓉牛膝湯

黃芪茯苓神湯

白朮厚朴湯

五味子湯

紫苑湯

六經叙論

本氣論

六氣時行病證治

靜順湯

審平湯

升明湯

備化湯

正陽湯

敷和湯

六氣九例

三因極一病證方論卷三

宋青田鶴溪陳言無擇編

痺叙論

夫風濕寒三氣雜至合而為痺雖曰合痺其用自殊
風勝則為行痺寒勝則為痛痺濕勝則為著痺三氣
襲人經絡入於筋脉皮肉肌骨久而不已則入五藏
凡使人煩滿喘而吐者是痺客於肺煩心上氣嗑乾
恐噫厥脹滿者是痺客於心多飲數小便小腹痛如

懷孕夜臥則驚者是痺客於肝善脹尻以代踵脊以代頭者是痺客於腎曰支懈怠發欬嘔沫上為大寒者是痺客於脾又有腸痺者數飲而小便不利中氣喘急時發飧泄又有胞痺者小腹按之則內痛若沃以湯澀於小便上為清涕又六府各有俞風寒濕中其俞而飲食應之故循俞而入各舍其府治之隨其府俞以施針灸之法仍服逐風濕寒發散等藥則病自愈大抵痺之為病寒多則痛風多則行濕多則着在骨則重而不舉在脉則血凝而不流在筋則屈而不伸在肉則不仁在皮則寒逢寒則急逢熱則緩又

有血痺以類相從附於此門外有支飲作痺見痰門

合痺治法

附子湯

治風濕寒痺骨節疼痛皮膚不仁肌肉重

着四支緩縱

附

生去皮臍

白芍

桂心

人參

各三分

茯苓

二錢

白朮

一兩

甘草

三分

右為剉散每服四錢水二盞煎七分去滓食前

服

黃芪五物湯

治尊榮人骨弱肌膚盛重因疲勞汗

出臥不時動搖加以微風遂作血痺

脉當陰陽俱微尺中少緊身體如風

痺狀

黃芪

白芍

桂心

各等分

生姜

五斤

大棗

三枚

右為剉散每服四錢水二碗煎七分去渣食前

服

黃芪酒

治風寒濕痺舉體腫滿疼痛不仁飲食惡

冷嗇惡寒胸中痰滿心下塞

方見中風門

歷節論

夫歷節證疼痛不可屈伸身體尪羸其腫如脫其痛如掣流注骨節短氣自汗頭眩嘔欲吐者皆以風

師本尪羸作尪瘰

濕寒相搏而成。其痛如掣者為寒多。痲滿如脫者為濕多。歷節黃汗出者為風多。願病源所載飲酒當風汗出入水遂成斯疾。

原其所因。雖涉風濕寒。又有飲酒之說。自屬不內外因。亦有不能飲酒而患此者。要當推求所因。分其先後輕重為治。久而不治。令人骨節蹉跌。變為顛病。不可不知。

歷節治法

芍藥知母湯 治諸節疼痛身體尪羸脚痲如脫頭

眩短氣噁、欲吐

桂心

知母炒

防風

各四兩

芍藥

炙草

麻黃

附子

炮去皮臍
各三兩

右判散每服四錢加生姜五片水一盞半煎七

分去滓空心服 一法加白朮川芎杏仁半夏

烏頭湯

治病歷節痛不可屈伸

烏頭

五枚判以蜜二升
煎取一升去高頭

炙草

麻黃

去節

芍藥

黃芪

等分

右為判散每服四錢水二盞煎至七分去滓投

前所煎蜜一升空心溫服千金方有乾姜桂心

大棗無黃芪麻黃治寒疝腹中絞痛賊風入腹

攻五藏拘急不得轉側叫呼發作有時使人手足厥逆

附子八物湯 治歷節風四支疼痛如槌鍛不可忍

附子 炮姜 白芍 茯苓 炙草 桂心

各三兩

人參 一兩 白朮 四兩

右剉散每服四錢水二盞煎七分去滓食前服

一方去桂心用地黃二兩

獨活寄生湯 最治歷節風近人用之甚效亦治腰

背痛及脚氣流注

獨活 三兩 桑寄生 杜仲 姜炒 細辛 牛膝

秦元 人參 茯苓 炙草 白芍 川芎

當歸 熟地 防風 桂心 各二兩

右為剉散每服四錢水一盞半煎七分 去滓空心服

脚氣叙論

夫中風寒暑濕與脚氣皆有漸頓淺深之不同中風寒暑濕得之頓而淺脚氣得之漸而深以其隨藏氣虛實寒熱發動故得氣名其如循經絡入藏府證候雖不一然三陽多熱燥三陰多熱煩亦可推求但脚氣不專主一氣亦不專在一經故與中風寒暑濕為異耳兼有續生諸病混雜多端未易分別治之須尋

其經絡病證所在去處然後以脉察其虛實淺深為
治假如三陽經絡其證多在足外踝及手背三陰經
絡其證多在足內踝及臂內以此粗分陰陽可知大
概矣其如風寒暑濕性用各各不同所謂風為行寒
為痛暑為禰濕為着乃不刊之論千金方論與董氏
額門類皆踏襲舊說似難憑據惟留心斯道者必有
至當之論焉

千金脚氣叙論

千金論脚氣皆由感風毒所致多不令人便覺或因
他病乃始發動或奄然大悶經三兩日方乃覺之庸

醫不識謾或作他病治之莫不盡斃緣始覺甚微食
飲嬉戲氣力如故惟卒起脚屈弱為異耳乃論風毒
相冒云夫有脚未覺異而頭項臂膊已有所苦諸處
皆悉未知而心腹五內已有所苦或見食嘔吐憎聞
食臭或腹痛下利或大小便秘澁或胸中忡悸不欲
見光明或精神昏憤語言錯亂或壯熱頭痛或身體
酷冷疼煩或覺轉筋或脛腿頑痺或時緩縱不隨或
復百節攣急或腫或小便不利皆謂脚氣狀貌也至
於婦人產後取涼多中此毒其熱悶掣縱驚悸心煩
嘔吐氣上臍下冷痞幅々然不快兼小便淋瀝不同

平素皆係脚氣之候頑弱為緩風疼痛為濕痺千金
節文備叙諸證不說陰陽經絡所受去處亦不分風
溫寒熱四氣及內藏虛寔所因後學從何為治若一
盡信書不若無書為愈此之謂也

脚氣脉證

脚氣證狀固多但當以脉證分其陰陽使無差誤所
謂脉浮為風緊為寒緩細為濕洪數為熱見於諸陽
病在外宜發散之則愈沉而弦者亦為風沉而緊者
為寒沉緩細為濕沉數為熱見於諸陰病在裏宜溫
利之則愈外證自汗走疰為風勝無汗疼痛攣急為

寒勝腫滿重着為濕勝煩渴熱頑為暑勝四氣兼有
但推其多者為勝治之當以諸證互辨而分表裏寒
則溫之熱則寒之在表則散在裏則下若大虛氣乏
間作補湯隨病冷熱而用之不可拘不可服補葯之
說

太陽經脚氣證

病者頭痛目脫項強腰脊連髀樞循髀外出外踝之
後循京骨至小指外側皆痛者乃足太陽膀胱經為
風寒暑濕流注自汗者為風勝無汗疼痛為寒勝熱
頑為暑勝重着腫滿為濕勝諸經皆當如此推之凡

太陽經宜隨四氣發散之

太陽經脚氣治法

麻黃左經湯

治風寒暑濕流注足太陽經手足攣

痺行步艱難增寒發熱無汗惡寒或

自汗惡風頭痛眩暈腰重關節疼痛

麻黃

去節

乾葛

細辛

白朮

茯苓

防己

桂心

羌活

防風

炙草

各等分

右為粗末每服四錢水二盞姜三片枣一枚煎

七分去滓空心服

自汗去麻黃加桂枝白芍重着加白朮橘皮無

汗加杏仁澤瀉減桂加可並等分

陽明經脚氣證

病者淒々寒熱呻欠口鼻乾腹脹髀膝臏中循胫外廉下足跗入中指內間皆痛者乃足陽明胃經為風寒暑濕流注所謂四氣偏勝並如上說治之宜隨四氣而微利之

陽明經脚氣治法

大黃左經湯

治風寒暑濕流注足陽明經使腰脚

痺痛行步艱難涎潮昏塞大小便秘

澁腹痛嘔吐或復下利惡聞食氣喘

滿息肩或自汗謔語

大黃

細辛

茯苓

防己

羌活

黃芩

前胡

枳壳

炒

厚朴

姜製

炙草

杏仁

炒

皮去

右剉散每服四錢姜三片棗一枚煎七分去滓

空心熱服

腹痛加白芍秘結加阿膠喘加桑皮蘇子小便

秘加澤瀉四支瘡痒浸淫加升麻所加並等分

荷葉藜蘆湯 治脚胫生瘡浸淫腿膝濃汁淋漓熱

痺痛痒

乾荷葉

四張
作四兩

藜蘆

等分

以水二斗煎減五升去滓溫煖得所淋洗乃服
大黃左經湯為佳

少陽經脚氣證

病者口苦善太息脇痛面垢體無膏澤頭額銳眦目
痛缺盆并腋下馬刀腫自汗振寒發熱胸中脇肋髀
膝外至脗絕骨外踝及諸指節皆痛者乃足少陽膽
經為風寒暑濕流注所謂四氣偏勝例如前說治之
宜隨四氣和解

少陽經脚氣治法

半夏左經湯 治足少陽經風寒暑濕流注發熱腰

脇痛頭疼眩暈嘔吐宿汁耳聾驚悸
熱悶心煩氣喘上滿肩息腿痺緩
不隨

半夏

乾葛

細辛

白朮

茯苓

桂心

防風

炮姜

黃芩

遠志

炙草

柴胡

麥冬

去心各
等分

右剉散每服四錢姜三片棗一枚水二盞煎七

分去滓空心服如熱悶加竹瀝半合喘滿加杏

仁素皮

料簡三陽并合脚氣

三陽經有併有合如太陽并少陽少陽并陽明陽明并太陽三陽合病皆於經絡中推考其診隨證治之所謂并者二經相并合者三經會合以此強分使名義易曉不必論其三也

三陽并合脚氣證

病者憎寒發熱自汗惡風或無汗惡寒眩暈重着關節掣病手足拘攣疼痛冷痺縱緩不随心燥氣上嘔吐下利此皆三陽經中風寒暑濕其脉必浮弦緊數神秘左經湯

治風寒暑濕流注足三陽經手足拘

攣疼痛行步艱難憎寒發熱自汗惡

風頭眩腰重關節掣痛或卒中昏塞
大小便秘澁或腹痛嘔吐下利惡聞
食氣解膝頑痺縱緩不隨熱悶驚悸
心煩氣上躋下冷痺喘滿肩息

麻黃 乾葛 細辛 厚朴 茯苓 防己

枳壳 桂心 羌活 防風 柴胡 黃芩

遠志 炮姜 半夏 麥冬 甘草 各等分

右剉散每服四錢加生姜三片棗一枚水二盞
煎七分去滓空心服自汗加牡蠣白朮麻黃腫
滿加澤瀉木通熱甚無汗去桂加陳皮前胡升

麻腹痛吐利去黃芩加芍藥附子大便秘結加
 大黃竹瀝喘滿加杏仁桑皮紫蘇所加並等分
 凡有此病詳認證狀逐一加減無不愈者常服
 下氣消痰散風濕退腫進飲食令人不虛江南
 諸師固秘此方雖父子兄弟不傳學者宜當敬
 用之

加味敗毒散

治三陽經為四氣流注腳踝上炊熱

赤腫寒熱如瘡自汗惡風或無汗惡

寒

羌活

獨活

前胡

柴胡

枳殼

桔梗

人參 茯苓 甘草 川芎 大黃 蒼朮各等分

石剉散每服四錢姜三片薄荷一莖水二盞煎七分熱服不過二服愈皮膚癢赤疹加

蟬退

太陰經腳氣證

病者腹滿挾咽連舌系急胸膈痞悶而滿循骸骨下股膝內前廉內踝過核骨後連足大指之端內側皆痛者乃是太陰脾經為四氣流注之所為也四氣偏勝並如前說治之各隨其氣所中輕重溫散之

太陰經腳氣治法

六物附子湯

治四氣流注於足太陰經骨節煩疼

四支拘急自汗短氣小便不利惡風

怯寒頭面手足時時浮腫

附子

桂心錢各五

白朮兩三

防己兩四

茯苓兩三

甘草兩二

右剉散每服四錢加姜七片水二盞煎七分去

滓服

少陰經脚氣證治

病者腰脊痛小指之下連足心循內踝入跟中上腠
內入臑中內廉股內皆痛上衝胸咽飢不能食面黑

小便淋秘咳吐不已善恐心惕、若人將捕之狀小腹不仁難治足少陰腎經為四氣流注之所為也四氣偏勝並如前說治之各隨其氣所中輕重而溫散之

少陰經脚氣治法

八味丸

治少陰腎經脚氣入腹小腹不仁上氣喘

促嘔吐自汗此證最難治以腎乘心水尅

火死不旋踵矣

熟地

八兩

丹皮

茯苓

澤瀉

各三兩

山萸

山藥

各四兩

附子

肉桂

各一兩

右為末蜜丸如桐子大每服五十九丸温酒送下
厥陰經脚氣證治

病者脇肋偏疼足大指連内廉内陰小腹臍脹痛脚
攣面塵脱色咽乾嘔瀉小便難或時遺溺并狐疝痛
足厥陰肝經為四氣流注之所為也四氣偏勝並如
前說治之各隨其氣所中輕重而調治之

厥陰經脚氣治法

神應養真丹 治厥陰肝經為四氣進襲肝臟左癱

右瘓涎潮昏塞半身不遂手足頑麻
語言蹇澁頭眩目眩牙關緊急氣喘

列本作腰脇疼後足
大指連足跗上廉上臑
至内循股環陰密抵小
腹夾脊諸處脹痛兩
脚挛急嗝乾嘔逆洞泄
者足厥陰肝經為四氣
流注之所為也

自汗心神恍惚支體緩弱上攻頭目
下注脚膝榮氣凝滯遍身疼痛兼治
產後中風角弓反張墜車落馬打撲
傷損瘀血在內

川芎 當歸 白芍 熟地 羌活 天麻

各等分

一法無羌活加木瓜炒阿膠等分為末蜜丸鷄
子黃大每服一丸木瓜兔絲浸酒送下脚痺米
仁酒下中風溫酒下

料簡三陰并合脚氣

三陰合併傷寒三陽有合併三陰無合併惟脚氣不

然以久滯藏氣隨其虛實寒熱流注故有合併當合
三陰所中之証而治之

三陰併合腳氣治法

病者腹滿胸痞骨節煩疼四支浮腫上氣喘急小腹
不仁腰脊足心喘脹皆痛脇肋偏疼陰器抵小腹夾
臍諸處脹痛此皆三陰經中風寒暑濕其脉必沉細
遲濇

地龍丸

治肝腎藏虛風濕進襲流注腿膝行步艱

難漸成風濕脚氣足心如火上氣喘急小

腹不仁全不進食

師批草烏
宜酌用

赤小豆 四兩 炒 五靈脂 白膠香 破故紙

狗脊 火去毛 木鱉子 海桐皮 威靈仙

地龍 草烏 各一兩 米泔浸 三日 去皮尖

右為末 酒糊丸如桐子大 硃砂為衣 鹽酒下五

十九

川膝丸 治肝腎虛為風寒濕毒所中 流注腿膝歷

節疼痛如錐刀 蝦刺不可名狀

大烏頭 十個 端正者 槌破以紙袋盛 用黑豆一升 襯覆蒸一日 取出 去豆 烏頭 去皮尖 晒乾

川牛膝 二兩 晒乾

二味並不得近銅鐵器及火與日緣肝氣惡之

三因方論 三陰併合脚氣治法 一十四 瑞竹堂

也木春細搗碎同牛膝入石磨中磨為細末酒糊丸如桐子大每服四十九用好酒一瓶將木瓜一隻切作片子入瓶中浸木瓜爛為度用此酒下不拘時服

十全丹 治脚氣上攻心腎相繫足心隱痛小腹不

仁煩渴小便或利或秘關節攣痺疼痛神效不可具述

菝葜

酒浸

石斛

酒浸

狗脊

火去毛

萆薢

茯苓

牛膝

酒浸

地仙子

遠志

各一兩

熟地

三兩 杜仲三兩

右為末煉蜜丸如桐子大温酒鹽湯送下

乳香宣經丸

治體虛為風寒暑濕所襲四氣相搏

半身不遂手足頑麻骨節煩疼足脛

浮腫惡寒發熱漸成脚氣肝腎不足

四支攣急偏身攻注或閃肭打撲內

傷筋骨及風邪內搏男子疝氣女人

筋脉不調活血止痛補虛壯筋骨

威靈仙

烏藥

茴香

川練子

桔梗

牽牛子

萆薢

防風

各二兩

五靈脂

乳香

草烏

黑豆一合同煮竹刀切看透黑為度去皮尖焙乾五錢

右為末酒糊丸如桐子大鹽酒下五十九婦人

食前醋湯下

大犀角湯

治脾腎經脚胫腫痺小腹頑麻上攻頭

面通身浮腫小便不利上氣喘滿悶絕

欲死

犀角

黃芩

旋覆花

白朮

肉桂

防己

各三兩

香豉

橘皮

茯苓

各三兩

前胡

桑皮

各四兩

蘇葉

四兩帶莖

右剉散每服四錢加姜五片棗二枚水二盞煎

七分去滓喘加杏仁

四蒸木瓜丸

治肝腎脾三經氣虛為風寒濕搏着

流注經絡竭日曠歲治療不痊凡遇

六化更變七情不寧必致發動或腫

滿或頑痺憎寒壯熱嘔吐自汗

威靈仙苦葶藶
同入

黃芪續斷
同入

蒼朮橘皮
同入

烏藥茯神木
同入

右各五錢以木瓜四隻切蓋去穰入前件藥仍

用蓋簪定以酒蒸熟三蒸三晒取出藥焙乾為

末研木瓜為膏搜和搗千杵丸如桐子大空心

溫酒鹽湯任下五十九世傳木瓜丸最多此方

效宜敬而用之

逐毒湯

治肝脾腎三經為風濕寒熱毒氣上攻陰

陽不和四支拘攣上氣喘滿小便秘澁心

熱煩悶偏身浮腫脚弱

半夏兩四

黃芪

當歸

炙草

人參

厚朴

獨活

陳皮各一兩

熟地

芍藥

枳實

麻黃去節各一兩

桂心三兩

五倍子二十个

右剉散每服四錢姜七片棗三个水二盞煎七

分去滓空心溫服日三夜一服

脚氣總論

千金脚氣論在論中風之前良有以也名論雖多識

病者少或覺傷脫或狐疑不決枉死者信不誣矣凡
有此證最宜急治緩則入腹攻五藏雖神丹亦無如
之何也又久患續生諸病如大小便不利腫滿飲食
傷等不妨別自為治所謂先去新病此當在後若搃
而治之則庶乎其可也

脚氣總治

烏藥平氣湯

治脚氣上攻喘滿及五藏偏勝諸氣

不和喘欬奔冲坐卧不安頭運脚弱

上實下虛

烏藥

人參

白朮

川芎

當歸

茯苓

炙草 白芷 木瓜 五味 蘇子各等分

右剉散每服四錢加姜棗煎服為末亦可

蘇子湯 治脚弱上氣陰陽交錯清濁不分上重下

虛中滿喘急嘔吐自汗無復紀律

千金云宋湘王在南州患脚氣困篤服此

得效

蘇子 半夏各五兩 前胡 厚朴 炙草

當歸各二兩 桂心 陳皮各三兩

右剉散每服四錢姜七片枣二枚水二盞煎七

分去滓食後服人謂俞山人降氣湯也好事者

復加附子黃芪又改其分兩頒入太醫方用者

宜知之

木瓜牛膝丸

治寒濕脚氣冷濕下注脚弱無力或

腫急疼痛兼治婦人血風大固腎氣

活血壯筋絡

木瓜

大者三四個開蓋去心先用糯米漿過焙為末却將鹽末入木瓜內令滿仍用蓋針定

蒸三次至爛研成膏

川烏

大者去皮共用好酒一升浸薄切酒煮乾研為膏

牛膝

萆薢

茴香

羌活

青皮

青鹽

別研

狗脊

毛烙去

巴戟

心去

海桐皮

各一兩

右為末入青鹽和勻將前二膏搜為丸如硬再

入酒杵數次丸如桐子大食前鹽酒下五十九

茱萸丸 治脚氣入腹，脹不仁，喘悶欲死

吳茱萸湯包 木瓜去皮切片

右等分為末酒糊丸如桐子大酒下一百丸或

以木瓜蒸爛研膏為丸尤妙

黑附丸 治乾濕脚氣

附子枚 黑豆半升入磁瓶內慢火煮以附子爛為度

右以熟豆同附子研作餅焙乾為末蜜丸如皂

仁大每服二丸空心麝香酒下

木通散 治脚氣服補藥太過小便不通淋閉癢下

火是然哉

脹

當歸

梔仁炒

赤芍

茯苓

生草各一兩

木通

右剉散每服四錢水二盞煎七分去滓服

桑皮赤小豆散 治脚氣小便澁兩脚腫脹

赤小豆升半

桑皮

紫蘇握一

生姜

錢五

右為散水三升煮豆熟取豆食去滓仍取餘汁

飲也

勝駿丸

治元氣不足真氣虛弱及諸虛寒濕氣進

龍襲手足拳掣脚指連脚面拘急走注疼痛

筋脉不伸行步不隨常服益真氣壯筋骨

黑髮長須滑皮膚一切足弱鶴膝諸風

附子

一枚炮去皮臍

當歸

酒浸兩

大麻仁

酒浸

牛膝

酒浸

棗仁

炒

熟地

防風

各二兩

木瓜

四兩

乳香

五錢另研

麝香

分

全蝎

去毒

木香

沒藥

另研

羌活

炙草

各一兩

右為細末用生地黄三斤淨洗研如泥入無灰

酒四升煮爛如膏以前藥和勻令堅每兩作十

丸每服一丸臨臥細嚼酒下地黄膏春夏極多

遇冬或無地黄以煉蜜為丸如桐子大用鹽湯

或酒下五十丸

加減法

檳榔

萆薢

茯苓

破故紙

巴戟肉

右五味各加一兩內熟地黃當歸各加一兩九
妙如服此藥至五七日或半月見效甚速行步
如飛千里可至故名勝駿

換腿丸

治足三陰經虛為風寒暑濕進襲挛痺緩

弱上攻胸脇肩背下注脚膝疼痛漸成風

濕脚氣行步艱難足心如火上氣喘急全

不進食

石楠藤

南星

石斛酒浸

牛膝酒浸

羌活

米仁炒

防風

萆薢蜜炙

天麻

當歸

續斷

各一兩
五錢

木瓜

楮榔各二兩
五錢

右為末酒煮麩糊為丸桐子大每服四錢温酒

或鹽湯下

三因極一病證方論卷三終

三因極一病證方論卷四

宋青田鶴溪陳言無擇編

叙傷風論

經云春傷于風夏為殄泄此乃四時之序也或表中
風在經絡中循經流注以日傳變與傷寒無異但寒
泣血無汗惡寒風散氣有汗惡風為不同仲景正以
此格量太陽經傷寒傷風用藥不同而纂集者不識
門類遂雙編二症使後學混亂卒不知歸甚者以傷

風暑濕時氣疫證凡曰太陽病者皆謂之傷寒晉人不經類皆如此固不足道但名義乖錯惑於後世不可不與之辨今別立傷風一門於四淫之前且依先哲以太陽為始分注六經學者當自知之

太陽經傷風證治

足太陽膀胱經傷風有汗惡風不惡寒頭項強腰脊痛以其脉從巔入絡腦還出別下項循肩膊內挾脊抵腰中入循膂故太陽諸證如是治之宜桂枝湯

桂枝湯 治太陽傷風脉陽浮陰弱榮弱衛強頭痛

鼻鳴乾嘔發熱自汗惡風或煩熱汗出則

解有如瘧狀脉浮洪虛大

桂枝

芍藥

各一兩
五錢

甘草

一兩

右咬咀每服五錢水二盞煎八分去滓食前温

服令遍身微汗愈

或發汗漏不止惡風小便難四支拘急者加熟

附子一分

或項背強几几反汗出惡風加葛根一兩三錢

或汗出後身疼痛脉沉遲者加芍藥生姜各五

錢人參一兩五錢

或下後脈促胸滿者去芍藥若微寒加熟附子

或下後頭項強痛翕翕發熱有汗心下滿痛小便不利者去桂枝加茯苓白朮各一兩五錢太陽外證未除乃數下之挾熱利不止心下痞硬表裏不解加人參一兩

或下之後微喘者加厚朴六錢杏仁十七粒

因燒針令汗針處被寒核起面赤必發奔豚灸其核上各一壯加桂枝一兩與服

因燒鍼煩躁者去芍藥減桂枝一兩加牡蠣龍骨各一兩可代救逆湯

陽明經傷風證治

足陽明胃經傷風口燥煩渴自汗嗜臥身重小便難以其脉挟鼻絡目下膈属胃絡脾俠臍入氣街故陽明諸證如是治之宜杏子湯

杏子湯 治陽明傷風能食口苦咽乾腹滿微喘而

發熱惡風自汗嗜臥身重小便難潮熱而

噦其脉浮弦長而數悉主之

杏仁 半夏 五味 芍藥 桂心 細辛

炮姜 大黃 甘草 茯苓

各三錢

足少陽胆經傷風身熱惡風自汗項強脇滿以其脉起於目銳眥上抵頭角交出八缺盆下胸中貫膈絡

肝循脇裏出氣街合髀厭中故少陽諸證如是治之
宜柴胡加桂枝湯

柴胡加桂枝湯

治少陽傷風四五日身熱惡風頭

項強脇下滿手足溫口苦而渴自

汗其脉陽浮而陰弦或發汗多亡

陽謔語可和其榮衛通其津液自

愈

柴胡兩 半夏 芍藥 黃芩 人參 甘草

桂枝錢五

右咬咀加生姜煎服

太陰經傷風證治

足太陰脾經傷風自汗胸滿腹痛四支倦怠以其脉入腹絡胃上膈挾咽連舌本散舌下故太陰諸證如是治之宜桂枝芍藥湯

桂枝芍藥湯 治太陰傷風自汗咽乾胸腹滿自利不渴四支倦怠手足自溫其脉弦大而緩

桂枝

錢五

芍藥

兩三

右咬咀加姜三片棗一枚水煎服 如腹痛甚

加大黃一兩

少陰經傷風證治

足少陰腎經傷風口燥舌乾咽痛胸滿心煩自汗腰
連筋骨痠痛以其脉貫脊屬腎上貫肝膈入肺中循
喉嚨挾舌本故少陰諸證如是治之宜桂附湯

桂附湯 治少陰傷風胸滿心煩咽喉痛自汗腰疼

連筋骨痠痛嘔吐痰涎頭痛其脉沉遲弦

附子

生去皮

桂心

乾姜

芍藥

甘草

茯苓

桃仁

去皮尖麩
炒各一兩

右咬咀水煎服

如咽痛加桔梗

厥陰經傷風證治

足厥陰肝經傷風自汗惡風舌卷小腹急滿以其脈循股陰入毛中環陰器抵小腹挾胃絡膽布脇與督脈會于巔故厥陰諸證如是治之宜八物湯

八物湯 治厥陰傷風自汗惡風舌卷小腹急滿寒

熱如瘧骨節煩疼其脈尺寸俱微而遲者

桂心 當歸 川芎 前胡 防風

芍藥 一兩五錢 甘草 茯苓 各五錢 加姜棗

右㕮咀水煎服

傷寒叙論

經云冬傷於寒春為溫病以冬不即病其寒毒藏於

三因方論 傷寒叙論 一五 瑞竹堂

風府之上至春溫暖之時發而為病故曰溫病或愈或死則在六七日間愈則多出旬日之外故世號為大病要當隨此經絡傳變仍以脈證別之乃可施治傷寒之法蓋盡於此至晉集仲景論于太陽經出麻黃桂枝二方治傷寒傷風并錄預備救失加減之法甚詳至陽明與少陽并三陰經傷風證治則幾聞矣故知仲景只就太陽一經格量二病令勿差誤編集既不詮辨後學懵無所知昏翳典墳千有餘載畧不加省良可嘆息今輒提其六經傷寒合用對治諸方以為宗兆其如壞證治法餘各見本門外編集

於後使皂白自分初不敢率取胸臆盖有所本於聖經而已

傷寒辨證

內經論傷寒惟說足三陰三陽六經傳變愈否日數及各隨其藏府經絡流注去處而證以行汗下并兩感脉應病形而已至張長沙以伊尹湯液作治法兼述傷寒暑濕等詳畧不同格量互顯使後學舉隅而反至晉不解其義隨行編集遂行於世此後蹈襲者不可勝計所謂百問證治提綱目錄撮要備全活人書傷寒論乃至圖形指脉皆剝採晉集初無反隅雖

有意廣傳皆未明其義類緣晉集不識徧正以此類
預備之方雜於正治之方而正治之方多所簡脫故
使典籍愈多後學固守不削繁蕪罔知樞要因別論
於後云

太陽經傷寒證治

足太陽膀胱傷寒頭項強腰痛無汗惡寒其經絡
流注去處與傷風同但脈浮洪緊數為異耳惟足太
陽寒水為諸陽主氣故寒先傷之

麻黃湯 治太陽傷寒脈浮緊而數頭痛身疼發熱

惡寒無汗胸滿而喘者

麻黃

桂枝

各一兩

甘草

五錢

杏仁

廿五粒

右咬咀每服五錢水二盞煎八分去滓溫服覆

取微汗夏則加知母五錢石膏一兩黃芩一錢

或汗出後無大熱而喘者加石膏四兩去桂枝

小青龍湯

治傷寒表未解心下有水氣乾嘔發熱

而欬或渴或利或噎或小便不利小腹

滿而喘

麻黃

細辛

炮姜

甘草

桂枝

芍藥

各三兩

半夏

五味子

各二兩

右咬咀每服五錢水二盞煎八分去滓食前溫

師本各二兩
作各半升

服噎者去麻黃加熟附子一錢若小便不利小

腹滿者加茯苓一錢喘者加杏仁七枚去皮尖

溫粉

凡發汗不欲多，則亡陽宜用此粉撲之即

愈其效如神

白芷 藁本 川芎 白朮

右為末每末一兩入米粉三兩和勻撲之

大青龍湯

治太陽中風傷寒脈緊發熱惡寒身疼

不汗出而煩渴或脈浮緩身不疼但重

乍有輕時或傷寒見風脈傷風見寒脈

麻黃

去節 二兩

桂枝

甘草

各一兩

杏仁

去皮 一兩 去尖

石膏兩一

右咬咀加姜棗煎服

陽明經傷寒證治

足陽明胃經傷寒身熱不惡寒目疼鼻乾不得臥腹滿咽乾口燥而渴其脉流注與傷風同以陽明主肉故次傳之

大承氣湯 治陽明傷寒脉長身熱不惡寒目疼而

鼻乾不得卧腹滿咽乾而渴大便難澀語或汗後脈沉實或下利而心下堅或已經下其脈按之浮沉尚有力者

大黃

酒洗五錢

芒硝

別研入一分

厚朴

一兩姜汁炒

枳實

麩炒一分

右為粗末每服五錢水二盞煎八分去滓入硝

再煎服若脉遲而滑汗出身重時發潮熱并得

病二三日無太陽證煩躁心下硬下利後謔語

者去芒硝名小承氣湯

若發汗不解蒸々發熱温々欲吐鼻中痛大便

反澇及吐利後腹脹厥煩謔語去厚朴枳實入

甘草五錢芒硝一分煎名調胃承氣湯

或熱結膀胱如狂狀下血小腹急結者去厚朴

枳實加桃仁十二个桂枝甘草各五錢硝一分
名桃仁承氣湯

大柴胡湯

治證狀與大承氣同此其大畧也然當

細審輕則大柴胡重則承氣

柴胡

四兩

半夏

一兩

黃芩

赤芍

各一兩半

大黃

一兩

枳實

一分
麩炒

右為粗末每服三錢加姜五片棗一枚水二盞

煎八分去滓食後溫服

若內熱裡實身體疼痛是表證未解不可服

少陽經傷寒證治

足少陽膽經傷寒胸脇痛耳聾口苦咽乾往來寒熱
目眩乾嘔其脉流注與傷風同以少陽主膽屬半表
半裏故三傳之

小柴胡湯

治少陽傷寒脉弦或沉緊往來寒熱胸
脇苦滿默默不欲食心煩喜嘔或渴而
腹痛或脇下痞硬或心悸小便不利或
欬有微熱亦有不渴不嘔者又治婦人
傷風傷寒經水適來發熱惡寒晝日明
了暮則譫語此為熱入血室其血必結
故使如瘧狀得七分熱除脉遲身涼胸

滿謔語如結胸狀刺期門隨其實而取
之投以此湯即愈

又太陽病不解轉入少陽并陽明傷寒
脉反弦浮身目悉黃小便難潮熱時噦

柴胡

二兩

半夏

黃芩

人參

甘草

各三分

右為剉散每服五錢生姜五片棗一枚水二盞
煎八分去滓服若腹痛去黃芩加白芍三分心
下悸小便不利加茯苓一兩若不渴則有微熱
去人參加桂枝三分若欬去棗加五味子三分
乾姜五錢胸中煩而不嘔者去半夏加栝蒌實

四分之一若渴去半夏加花粉一兩胸中痞硬
去棗加牡蠣一兩若過經不解日晡發熱已而
微利加芒硝一兩

太陰傷寒證治

足太陰脾經傷寒手足溫自利不渴腹滿時痛咽乾
其脉流注與傷風同治之各有正方

治中湯 治太陰傷寒手足溫自利不渴腹滿時痛
咽乾其脉尺寸俱沉細者

人參 炮姜 白朮 炙草 陳皮 青皮

右剉散以水二盞煎八分去滓溫服

五積散 治太陰傷寒脾胃不和及有積聚腹痛

蒼朮

米泔浸一宿廿兩

桔梗

十兩

陳皮

六兩

白芷

甘草

當歸

各二兩

川芎

五兩

芍藥

茯苓

半夏

各一兩

麻黃

去節二兩

湯煮三兩

春秋夏

乾姜

五錢

春秋冬

二兩

枳殼

四兩 麩炒

厚朴

二兩 姜汁炒

桂心

春秋三兩

秋冬四兩

右先將十二味哎咀微炒令香取出當風涼之

後入枳殼桂心厚朴三味同為細末每服三錢

姜三片棗二枚水二盞煎七分溫服

傷寒手足厥冷自汗不止脉沉細面青嘔逆加

順元散一錢同煎熱服

產婦痛陣踈難產經兩三日不生胎死腹中或
 產母氣乏委頓產道乾澁加順元散以水七酒
 三煎相繼兩服氣血內和即產胎死者不過三
 服當下其順元散多少量產母虛實加減
 傷寒發熱挾內寒者加蔥白二寸豉七粒同煎
 相繼服當以汗解

順元散

烏頭

炮去皮
大二兩

附子

南星

炮一兩

木香

一兩

右為末同煎法煎此藥治內外感寒脉沉伏遲
 細手足冷毛髮恂慄傷寒陰症大啜一二盃氣

和汗出即愈

少陰經傷寒證治

足少陰腎經傷寒口燥咽乾而渴背惡寒反發熱倦
怠其脈流注與傷風同

麻黃附子細辛湯 治少陰傷寒口中和面背惡寒

反發熱倦怠自汗而渴其脈寸
尺俱沉而緊者

麻黃 細辛 附子

各五錢

右為粗末每服四錢若手足厥者去麻黃細辛

加乾姜五錢甘草一分

或口燥舌乾而渴宜急下之

厥陰經傷寒證治

足厥陰肝經傷寒煩滿發熱惡寒往來寒熱如瘧或

囊縮小腹急痛其脉流注與傷風同

本論小腹急痛用小建中湯方

見九痛門

麻黃桂枝各半湯

治厥陰傷寒煩滿發熱惡寒往

來如瘧囊縮其脉尺寸俱微緩

者主之若脉沉短其囊必縮急

以大承氣湯下之可保五死一

生承氣湯乃利陽明藥也若病

到厥陰其勢已甚蓋陽明養宗
筋為熱毒所攻乃以承氣湯瀉
其能養故利陽明以救陰此猶
假虞伐虢圍魏救趙之意也

桂枝

芍藥

麻黃

杏仁

十二个
去皮尖

甘草

各五錢

右為粗末每服五錢水二盞煎八分溫服加八

姜棗亦可

大承氣湯

方見足陽明
經傷寒條下

小建中湯

方見九
痛門

傷寒傳變次序

內經熱論、傷寒云太陽為諸陽主氣傷寒必先自
太陽始至漢諸師凡外所因皆曰太陽病未為了義
足太陽寒水其位居辰、為六氣化源故丙辛遁起
戊子至辰為壬辰水為太陽正化居為在天為寒在
地為水寒喜歸水故寒必首傷太陽以此例推寒既
自太陽入風當自少陽入溫當自陽明入經曰陰為
之主陽為之正別於陽者知病從來別於陰者知死
生之期此之謂也或問傳變次序當何如耶然陰陽
流行出入次序固有定說及其中病或喜入或乘虛
或兩感或守一經其可拘乎但當以脉証分別陰陽

表裡盛衰為始又不可以日數期也

料簡

論曰有汗不得服麻黃無汗不得服桂枝切忌不可
悞若寒証見風脈風證見寒脈却以麻黃桂枝各半
湯古人治傷風熱多寒少惡風脈浮緊無汗用青龍
湯蓋先傷風而後傷寒風證尚在而寒脈已行故有
是論也若先傷寒而後傷風寒多熱少不煩躁微厥
脈當浮弱而自汗即傷寒見風脈但青龍緊暴不若
各半湯平和無悞吝也諸經皆倣此

六經傷寒用藥格法

夫傷寒始自太陽傳陽明至厥陰而止六經既別治法不同太陽屬膀胱非發汗不能愈必用麻黃者以麻黃生於中牟雪積五尺有麻黃處雪則不聚蓋此藥能通內陽氣却外寒也陽明屬胃非通泄不能愈必用大黃芒硝以利之少陽屬胆無出入道柴胡與半夏能利能汗佐之以黃芩非此不解太陰屬脾中州土也性惡寒濕非乾姜白朮不能溫燥少陰屬腎性畏寒燥非附子則不能溫厥陰屬肝藏血養筋非溫平之藥不能潤養此經常之道也後學不知倫類妄意進餌遂至錯亂諸証蜂起天傷人命可不究辨

且三陽病汗下和鮮人皆知之至太陰脾經溫燥不行亦自當溫利陽明如溫脾丸用大黃者是也少陰腎經雖用附子復使麻黃則知少陰亦自太陽出厥陰用桂枝自少陽出明矣及其二陽鬱閉皆當自陽明出故三陰皆有下証如少陰口燥咽乾下利清水太陰腹滿時痛厥陰舌卷囊縮皆當下之學者宜詳審不可率意投劑也

溫脾丸 治久病虛羸脾氣弱食不消氣噫

黃栢 大麥芽 吳茱萸 桂心 炮姜 細辛

附子 當歸 大黃 神麩 川連

各一兩

右為末蜜丸桐子大酒下三十丸

三陽合病脉證治

三陽有合病三陰無合病所謂三陽合病者有太陽陽明有少陽、明有太陽傳至陽明其頭疼腰痛者太陽也肌熱目痛鼻乾者陽明也倘惡寒脉必浮大而長浮者太陽脉也長者陽明脉也當隨證調之太陽證因發汗多則譫語屬陽明故有太陽、明也少陽證未解猶當和解不可便作陽明治而下之葛根湯 治太陽病項背強几、然無汗惡寒并治

三陽合病自利

葛根兩一

麻黃分三

桂心錢五

芍藥錢五

甘草錢三

右咬咀每服五錢加生姜五片大棗一枚三陽

合病不下利但嘔者加半夏六錢煎服

兩感證論并治法

兩感傷寒者表裡俱病也一日太陽與少陰俱病太頭

痛陽舌乾咽滿少陰而渴二日陽明與太陰俱病太腹滿陰身熱

不食陽明譫語三日少陽與厥陰俱病少陽耳聾厥陰囊縮而厥兩

感俱作治有先後先宜救裡藏氣內正急宜攻表救

裡固宜急矣而表亦不可緩也救裏解表各隨諸證

而善用之自非精妙甄別其孰能與於斯

四逆湯

治少陰傷寒自利不渴嘔噦不止或吐利
 俱發小便不利或汗出過多脉微欲絕腹
 痛脹滿手足厥冷及一切虛寒厥冷凡病
 傷寒有此症候皆由陽氣虛有陰寒雖覺
 頭痛身疼發熱惡寒四支拘急表裡證悉
 具者不可先攻表宜先服此藥以助陽救
 裡

附子

錢五

炮姜

分二

炙草

分一

右剉散水煎去滓服

強人加乾姜一錢或惡寒脉微而利者止仍亡

血者加人參五錢或發汗若下之病仍不解煩躁者仍加茯苓半兩面赤者加連翹葱白九莖腹中痛者去葱加芍藥一兩嘔者加生姜一兩咽痛者去芍藥加桔梗五錢

料簡兩感治法

桂枝麻黃皆攻太陽經表藥方各見太陽經傷寒傷風條下其如陽明太陰少陽厥陰並可以風寒二方論中隨證施治

陰毒證治

陰毒為病手足冷腰背強頭疼腹痛或煩渴精神恍

惚額與手背時出冷汗聲音鄭重爪甲面色青黑多
因脾腎虛寒伏陰重感於寒所致

附子散

治陰毒傷寒唇青面黑身重強四肢冷或

因服冷藥過度心腹脹滿昏沉不識人

附子

分三

桂心

錢五

當歸

白朮

半夏

各五錢

炮姜

分三

右剉散水煎去滓服

返陰丹

治陰毒傷寒心神煩躁頭痛四支逆冷面

青腹脹脉沉伏者

硫黃

五兩另研

硝石

另研

太陰玄精石

各二兩另研

炮姜 桂心 附子 各五錢

右用鐵鈔先鋪元精石末次下硝末各一半中間鋪硫黃末又將二石餘末蓋上以小盞合着
爇炭火三斤燒令得所勿令烟出急取瓦器合
着地上四面炭蓋勿令烟出候冷取出研細入
後藥為末同研勻米糊為丸桐子大艾湯下二
三十九丸頓服汗出為度未退艾灸臍下丹田氣
海更不退則以葱餠熨之

葱餠熨法 治陽氣欲脫體冷無脉氣息欲絕不省

人事及傷寒厥陰百藥不效者

葱一束以索纏如餅餠大去根葉只用白長二寸
許先以火煨一面令通熱勿致灼人乃以熱處着
病人臍下上以熨斗盛火熨令葱餅熱氣透入腹
中更作三四餅一餅壞不可熨則易一餅再熨候
病人醒手足溫有汗服回逆湯良

陽毒證治

陽毒為病躁熱面赤咽痛身斑色如錦紋下利赤黃
內外結熱舌焦鼻黑類如烟煤妄言狂走多因腸胃
燥熱陽氣獨甚陰氣暴絕妄服燥藥熱毒所致
升麻湯 治陽毒傷寒一二日便成陽毒或服藥吐

下後變成陽毒腰背痛煩悶不安面赤狂
言或走或見鬼或下利面赤斑，如錦紋
咽喉痛下膿血脉大浮數五日可治七日
不可治

升麻

錢五

犀角

射干

黃芩

人參

炙草

各一

石剉散每服五錢水二盞煎七分去滓熱服并
進三四服溫覆汗出為度

梔子仁湯

治陽毒傷寒壯熱百節疼痛

黑梔

赤芍

大青

知母

各一

升麻

杏仁

黃芩

石膏

各二

柴胡

一兩

五錢

炙草

五錢

石判散每服四錢加姜三片豉二十粒水二盞
同煎七分去滓服法同前

結胸證治

結胸證者心下堅滿按之如石硬而痛心鬲高起手
不得近項強如柔瘕狀此本傷寒身熱醫下之早熱
氣乘虛而入痞結不散之所致也若脉浮大皆不可
下之則死尚宜發汗若沉緊者宜大小陷胸湯量
輕重而下之又結胸有不按而痛者有按之而痛者
有水結胸在胸脇間但頭汗出者有熱實結者有寒
實結者治之不可不知其輕重也各有正方

大陷胸湯

治傷寒表未解醫反下之鬲內拒按手

不可近短氣煩躁心中懊懣心下硬大

便不通舌燥而渴熱實脉沉而緊又治

身無大熱有結水在胸膈間者

大黃

錢五

芒硝

錢四

甘遂

右各為末以水三盞先煮大黃至一盞八硝煮

溶下甘遂煮一沸分二服得利止後服

小陷胸湯

治結胸病正在心下按之則痛脉浮滑者

黃連

錢一

半夏

錢六

栝蒌實

兩一

右以水二盞先煎栝蒌至一盞半八煎二味煎

六分三二服利下黃涎即愈

大陷胸丸 治病發於陽而反下之熱入因作結胸

以下之太早故也其病項強如柔瘕狀

下之則和

大黃二兩

葶蘆炒

杏仁去皮炒

芒硝各三

右以前二味為末將杏仁芒硝合研為脂和前

藥末為丸如彈子大別杵甘遂末一錢白蜜一

大匙水二盞煎七分頓服之一宿乃下如不下

更服取下為效甘遂性不馴宜斟酌虛實用之

胸痞證治

胸痞症者胃中不和心下堅硬乾嘔惡寒汗出而噫氣不除亦有因傷寒身冷醫反下之遂成胸痞

枳實理中丸 治傷寒及諸吐利後胸痞欲絕鬲高

起急痛手不得近

枳寔 茯苓 人參 炮姜 甘草 各等分

右為末蜜丸以一兩作四丸熱湯化下渴加花

粉下利加牡蠣各等分

桔梗枳壳湯 治中寒氣胸痞滿欲死

枳壳 桔梗

右等分水煎去滓溫服

三黃湯 治傷寒陰症下之太早致心下痞按之軟

其脉關上浮者主之若表未解未可攻宜

先隨風寒二證投桂枝麻黃湯表解已即

服此方

大黃 黃連 黃芩

右剉散每服五錢用沸湯一盞熱漬之一時久

去滓分二服或汗出惡寒加附子另煎汁入一

合同服

半夏瀉心湯 治心下痞滿而不痛者

半夏一兩 黃芩 人參 甘草 炮姜各一兩

一錢

五錢

黃連五錢

右剉散每服五錢水一盞半生姜五片棗一枚煎七分去滓溫服或傷寒中風醫反下之下利日數十行穀不化腹中鳴心下痞硬乾嘔心煩者加甘草五錢人參一兩名甘草瀉心湯

或汗出解後胃中不和心下痞硬乾嘔食滯腸下水氣腹中雷鳴下利加生姜一兩減乾姜半兩餘如正方名生姜瀉心湯

勞復證治

傷寒新瘥後不能將攝因憂愁思慮勞神而復或梳

洗沐浴作勞而復皆謂之勞復或飲食不節謂之食復此皆大病後精神氣血腸胃並虛之所致也論有正方可依證調治唯犯房室為女勞復多死不治

白朮散

治傷寒氣脉不和憎寒壯熱鼻塞腦悶涕

唾稠粘痰嗽壅滯或冒涉風濕憎寒發熱

骨節煩疼或中暑嘔吐眩暈及大病後將

理失宜食復勞復病症如初悉主之又治

五勞七傷氣虛頭眩精神恍惚睡臥不寧

肢體倦怠潮熱盜汗脾胃虧損面色痿黃

飲食不進嘔吐酸水藏府滑泄腹中虛鳴

反胃吐逆心腹絞痛久瘧久利及暈氣咽
塞上氣喘促坐臥不安或飲食所傷胸膈
痞悶腹脇膨脹婦人胎前產後血氣不和
霍亂吐泄氣厥不省人事常服辟四時不
正之氣及山嵐瘴疫等證神效不可盡述

白芷 甘草 青皮 陳皮 茯苓 桔梗

山藥 香附各三兩 乾姜五錢 白朮一兩

右為末每服二錢水一盞生姜三片棗一枚木
瓜一片紫蘇葉兩三葉煎七分去滓服

若吐瀉入白糖煎如嗽入棗皮煎或同杏仁煎

亦可 如傷寒勞復入薄荷煎 高氣入木通
三寸麝香少許 中暑嘔逆入香薷 胎前產
後血氣不和入荆芥煎 霍亂入藿香煎 氣
厥入鹽湯調下

陰陽易證治

陰陽易者其男子病新差未卒復而婦人與之交
接得病名曰陽易裡急腰胯連腹內痛婦人病新差未
卒復而男子與之交得病名曰陰易身重少氣陰
瘰八裡腹內絞痛熱上衝胸頭痛不欲舉眼中生花
男女病相換易故謂之陰陽易

燒棍散

治傷寒陰易其人身重少氣少腹裡急或引陰中痛拘攣熱上衝胸頭重不欲舉眼中生花膝脛拘急悉皆主之

婦人棍襠

燒灰存性

右研細方寸匕水調服小便利陰頭微腫即愈

猥鼠糞湯

治丈夫傷寒病後女人與之交接得病

名曰陽易

韭根

去青一寸半握約

猥鼠糞

十四枚兩頭尖者是

右二味以水一盞煎半盞去滓頻服粘汗

出為效未知再作

發斑證治

傷寒發斑者蓋因不當下而下之熱則乘虛入胃當下而失下則胃不得泄二者皆能發斑其狀如錦紋赤者易治黑者難治蓋熱毒入胃深也

玄參升麻湯

治傷寒或當下而失下或不當下而

下之熱毒入胃發斑如錦紋甚則煩

躁譫語兼治喉閉腫痛溫毒發斑

玄參

升麻

甘草

各五錢炙

右剉散每服五錢水二盞煎七分去滓溫服

三因極一病證方論卷四終

三因極一病證方論卷五

宋青田鶴溪陳言無擇編

壞傷寒證治

壞傷寒者以醫者不辨陰陽錯謬汗下致病不鮮壞
證亂經又傷寒過經熱留藏府病經數變久而不差
陰陽無復紀律皆名壞病

知母麻黃湯

治壞傷寒以傷寒瘥後經久精神不

守言語錯亂或潮熱頰赤寒熱如瘧

昏沉不愈皆由汗下不止毒在心包

間也

知母

一兩五錢

麻黃去節

甘草炙

芍藥

黃芩

桂心

各一兩五錢

右剉散每服五錢水一盞半煎七分去滓溫服

日三四服若心煩欲飲水少，與之

無憂散 治傷寒調理失序毒氣內結胸腹脹滿坐

卧不安日久不瘥狂躁妄語大小便不通

或復吐逆

臈月黃牛膽

以天南星為末將胆汁傾出和勻仍入胆內縛定今緊于當風避日懸之候乾取用

右為末以人參半兩水一盞半煎湯七分調藥末二錢乘熱服稍遲須臾更以熱人參湯投之或睡便溺下黃黑惡物是效

黑奴丸

治傷寒調理失序醫所不治及時行疫病

六七日不汗脉洪數面赤目瞪身熱煩躁狂言欲走大渴或但口燥精魂已散但心下煖幹開口灌之藥下咽即活并治陽毒

發斑

麻黃

去節
二兩

小麦奴

一兩

大黃

二兩

芒硝

一兩

釜底煤

一兩
研

梁上塵

一兩
研

竈突煤

一兩
研

右各研為細末煉蜜丸如彈子大用新汲水研
下一丸渴者冷水盡飲之須臾當寒，竟汗出
便差若日移五尺不汗依前法再服一丸差須
病人大渴乃可與之不渴者莫服

狐惑證治

狐惑證者默々欲眠目不得瞑惡飲食面目乍赤乍
白乍黑齒無色舌上白聲啞咽乾此因大病後腸胃
空虛三蟲求食，人五臟食其咽則為惑其聲啞食
下部則為狐其咽乾當看上唇有瘡蟲食其臟下唇
有瘡蟲食其肛

桃仁湯

桃仁去皮

槐子碎

艾各一兩

右剉散每服五錢水一大盞姜三片棗二枚煎

七分去滓食前服

黃連犀角湯 治傷寒及諸病後內有瘡出下部者

黃連五錢

犀角一兩無則以升麻代之

烏梅七斤

木香一分

右剉散每服五錢水一盞半煎七分去滓食前

服

雄黃兌散 治下部匿瘡

雄黃研

青箱子

苦參

黃連

各二分

桃仁

去皮尖
研一分

右為末用生艾葉搗汁和丸如棗核大綿裹內

下部扁竹汁更佳無艾用綿裹散子內下部亦

可

謔語證治

病有言語錯亂者其証有二有虛有實虛則鄭聲實

則謔語傷寒胃實及三陽合病婦人熱入血室及下

利而謔語者皆屬實熱大小便利手足厥冷脉微細

言語鄭重者屬虛寒治之各有方虛寒宜温如四逆

湯之類胃實宜下承氣湯婦人熱入血室小柴胡湯
若譫語而反四肢逆冷脈沉細者不治

四逆湯方見兩感門

小柴胡湯方見傷寒少陽條下

大承氣湯方見傷寒陽明條下

病後虛煩證治

大病後心虛煩悶發熱與傷寒相類但不惡寒與不
頭疼為異汗下後人參竹葉湯嘔者橘皮湯諸病後
多有此証各見本門

人參竹葉湯 治汗下後表裏虛煩不可攻者

竹葉

招兩

人參

兩二

甘草

各三兩

半夏

兩二半

石膏

麥門冬

各五兩

右為劉散每服四錢水一盞半生姜五片粳米

一合煎米熟去滓食前服

橘皮湯

治動氣在下不可發汗發之反無汗心中

大煩骨節疼痛目暈惡寒食則反嘔穀不

得入宜服此方

橘皮

一兩半

甘草

錢五

人參

錢一

竹茹

錢五

右咬咀每服五錢水一盞姜三片棗二枚煎七

分去滓食前服

料簡

凡傷寒中雜病證狀非一當隨門類酌量施治可也
如發黃則用五疸中藥只依黃疸治之發狂已見陽
毒門吐血衄血便利瘀血見失血門下利見滯下門
奔豚見五積門陽厥陰厥見厥論嘔噦喘咳見本門
其他更不繁錄

傷暑叙論

傷暑者乃夏至前後各三十日有奇少陽相火用事
之時也炎熱大行燠石流金草萎河涸人或傷之則
發熱自汗面垢背寒倦怠少氣以暑消氣消血散

與傷寒相類此自夏間即病非冬傷于寒至夏發為熱病也當以脉別之傷暑脉虛而無力蓋因氣血消散致血虛氣弱若傷寒則血泣而閉脉緊而有力大不同也要畧言傷寒家別有暍病蓋詮次者見其一條別列在後故有是說輕重不同識者當知之

傷暑證治

病者身熱惡寒頭痛狀如傷寒或往來寒熱如瘧煩躁渴甚眩暈嘔吐背寒面垢泄瀉昏悶不清其脉陰陽俱虛緩而微弱皆由傷暑之所致也

卻暑散

治胃暑伏熱頭目眩暈嘔吐泄瀉煩渴而

背寒面垢

赤茯苓

生甘草

各四兩

寒食麩

生姜

各一片

右為細末每服三錢新汲水調下或湯點服不

拘時候

五苓散

治傷暑煩渴引飲無度兼治傷寒溫熱表

裡未解煩渴飲水入即吐或小便不利

及汗出表解渴不止又治霍亂吐利黃疸

溫疫

澤瀉

二兩五錢

桂心

一兩

猪苓

去皮

赤苓

白朮

各一兩半

右為細末每服二錢沸湯調下不以時服

多飲熱湯汗出即愈

桂苓丸

治煩渴消痰飲寬胸膈

桂心

白朮

各二兩

赤茯苓

三兩

烏梅肉

一兩半

乾生姜

一兩

炙甘草

右為細末蜜丸如彈子大每服一九至二九細

嚼開水下

香薷丸

治大人小兒傷暑伏熱躁渴脅悶頭目昏

眩胸膈煩滿嘔噦惡心口苦舌乾肢體困

倦不思飲食或發霍亂吐利轉筋並宜服

之

香薷去梗

紫蘇去梗

乾木瓜各一兩

丁香

甘草炙

檀香

白茯苓

藿香

右為細末蜜丸如彈子大每服一九至二丸熱

水嚼下或新汲水化下亦可小兒半丸

消暑丸 治中暑煩悶口渴眩暈寒熱

半夏一斤泡去滑沫
米泔煮令透

茯苓

甘草生各半斤

右為細末蜜丸如桐子大每服三十九丸新汲水

不拘時下

傷濕叙論

經云濕為停着凡關節疼痛重痺而弱皆為濕着若

氣不卒亦使人半身不遂口眼喎斜涎潮昏塞此中
濕之候也夫寒熱風濕皆能并合為病所謂風濕寒
濕濕溫者其證各有不同為治亦別不可不辨若治
風濕寒濕當發其汗但微之似汗出則風濕俱去若
大汗出風去濕存則不能愈若治痺又中濕只宜利
小便忌不得以火攻并轉利濕家下之額上汗出微
喘小便不利者死若下利不止者亦死論曰治濕不
利小便非其治也

傷濕證治

病者身重脚弱關節疼重發熱惡寒小便秘塞大便

飧泄自汗腰脚冷痺腿膝浮腫小便不利或自利不渴皆久坐卑濕或為雨露所襲或汗出沾衣受濕漸漬得之名曰濕痺

腎着湯

治身重腰冷痺痛如坐水中形如水狀反

不渴小便自利飲食如故病屬下焦從身

勞汗出衣裏冷濕久而得之腰以下冷痛

腰重如帶五千錢

甘草

炙

白朮

各二兩

炮姜

茯苓

各四兩

右為剉散每服四錢水一盞半煎七分去滓空

心服

滲濕湯

治生臥濕地或為雨露所襲身重脚弱閉

節疼痛發熱惡寒或小便祕澀大便殮泄

或汗出衣裏濕漸漬得之腿膝或腫小便

利反不渴

蒼朮

米油浸

白朮

甘草

炙各二兩

乾姜

炮

茯苓

各四兩

陳皮

丁香

各半兩

右為剉散每服四錢水一盞半姜三片棗二枚

煎七分去滓溫服

白朮酒

治中濕骨痛

吳大訥攷補

白朮

兩一

右一味剉散以酒三盞煎一盞頓服不飲酒水
煎服亦可

寒濕證治

病者身體煩疼無汗惡寒發熱脉浮緩細皆寒濕相
并所致

麻黃白朮湯 治寒濕身軀煩疼無汗惡寒發熱者

麻黃 去節
三兩

桂枝 二兩

甘草 炙一兩

杏仁 二十粒
去皮

白朮 四兩

以上咬咀每服四錢水一盞半煎七分去滓空

心溫服

風濕證治

病者身疼發熱日晡為甚不能轉側短氣汗出惡風不欲去衣或身微腫脉浮而弦細此風濕相搏或汗出當風所致也

桂枝附子湯

治風濕相搏身軀煩疼掣痛不得屈

伸汗出短氣小便不利惡風不欲去衣或身微腫

桂枝

去皮四兩

白朮

附子

炮去皮臍

甘草

二兩

右咬咀每服四錢水一盞半姜五片棗二枚煎七分去滓空心溫服或大便秘則去桂小便不

利有悸氣加茯苓三兩痺加防已四兩腹痛加芍藥四兩

風濕寒證治

病者汗出身重惡風喘滿腹內不和下氣上衝臍下連脚冷痺不能自屈伸骨節煩疼近之則痛極如歷節狀此由冒風濕寒三氣雜至而為病也

防已黃芪湯 治傷風濕寒脉浮緊細身重汗出惡

風并治風水脉浮身重不渴

防已

四兩

黃芪

五兩

甘草

炙

白朮

各三兩

右咬咀每服五錢水一盞半姜五片棗四枚煎

七分去滓空心服喘者加麻黃胃中不和加芍藥氣上衝加桂下有沉寒加細辛服藥後當如出行皮中後腰以下如水浸坐被上又以一被繞腰以下溫令微汗差

風濕溫證治

病者煩渴引飲心腹冷痛燥悶面垢口乾惡風惡寒
饑不能食眩暈嘔噦此伏暑中風濕所致也治之各有方法

白朮茯苓乾薑湯

治伏暑中風濕煩渴引飲心腹疼痛躁悶口乾面垢洒灑惡寒

浙、發熱惡風微汗飢不能食

白朮

乾姜

茯苓

細辛

桂心

乾葛

甘草

橘皮

烏梅

香豉

右等分為細末每服二錢白湯點下

暑濕風溫證治

暑者六氣之一能與風濕并合為病循經流入諸藏
但與寒不相得故有暑濕風溫之證暑濕者惡風及
熱自汗關節疼痛頭目昏眩手足倦怠不自勝持此
併傷暑濕所致也風溫者頭痛身熱常自汗出體重
喘息四肢不收嘿、欲眠此由先傷風後傷暑所致

也治之各有方法

茯苓白朮散

治胃暑毒加以着濕或汗未乾即沐

浴皆成暑濕

茯苓

乾姜炮

甘草

白朮

桂心

各一兩

右哎咀每服四錢水一盞煎七分去滓空心服

萎蕤湯

治風溫兼療冬溫及春月中風傷寒發熱

頭眩咽痛喉乾舌強胸內疼痛痞滿腰背

拘急

葛根

麻黃

甘草炙

白微

川芎

羌活

杏仁

各半兩
去皮尖

石膏

一兩
碎

萎蕤

三分

青木香

一分

右咬咀每服五錢水一盞半煎七分去滓空心服冬用川芎木香一兩春用半兩

君火論

五行各一唯火有二者乃君相之不同也相火則麗於五行人之日用者是也至於君火乃二氣之本原萬物之所資始人之初生必投生于父精母血之中而成形精屬腎屬水故天一而生水血屬心屬火故地二而生火識為玄屬水故天三而生木乃太一含三引六之義也六道生一一生二一生三之數也則知精血乃裁成於識以識動則煖靜則息靜

息無象暖觸可知故命此暖識以為君火正內典所

謂暖識息三連持壽命者也然其所以謂之君火者以

其不行炎暑之令象君之德也蓋萬物之資始象君

之化位居少陰或作陽未詳象君之政神明出入象君之

令故居亦天也天亦君也乾以元亨利貞而運行於

其上君以德化政令而輔成于其下天道順序而生

長化收藏不失其時君道助順故進退存亡不失其

正其實皆一理也成象成法雖主配于心腎推而明

之一點精明無物不備是宜君火之用上合昭下

合冥下與萬物俱生而無所間斷也醫者苟不明此

秋農然識

理皆墮於術數技藝也夫瞽史之用易拘于卜筮
休咎之中吾見其大蔽聖人之道未聞有益於天下
後世也悲夫

五運論

夫五運六氣乃天地陰陽運行升降之常道也五運
流行有太過不及之異六氣升降則有逆從勝復之
差凡不合於德化政令者則為之變青皆能病人故
經云六經波蕩五氣傾移太過不及專勝兼并所謂
治化人應之也或遇變青聿興災沴涸鬱發以亂其
真常之德而致折復隨人藏氣虛實而為病者謂之

時氣與夫感冒中傷天行疫疹穎然不同前哲知夫
天地有餘不足違戾之氣還以天道所生德味而平
治之經論昭然人鮮留意恐成湮沒故叙而紀之

五運時氣民病證治

凡遇六壬年發生之紀歲木太過風氣流行脾土受
邪民病飧泄食減體重煩寃腸鳴脇支滿甚則忽々
喜怒眩冒巔疾為金所復則反脇痛而吐甚則冲陽
絕者死

苓朮湯

治脾胃感風飧泄注下腸鳴腹滿四肢重

滯忽々喜怒眩冒巔暈或左脇偏痛

白茯苓

厚樸姜汁製炒

白朮

青皮

炮姜

半夏

洗去滑

草果

去皮

炙草

各等分

右咬咀每服四錢水一盞半姜三片棗二枚煎

七分去滓空心服之

凡遇六戊年赫曦之紀歲火太過炎暑流行肺金受
邪民病痰瘧少氣欬喘血溢泄瀉噎燥耳聾中熱肩
背熱甚則胸中痛脇支滿背髀并兩臂痛身熱骨痛
而為浸淫為水所復則反詬妄狂越欬喘息鳴血溢
泄瀉不已甚則太淵絕者死

麥門冬湯

治肺經受熱上氣咳喘咯血痰壅噎乾

耳聾泄瀉胸脇滿痛連肩背兩臂膊疼
痛息高

麥門冬心去 香白芷 製半夏 青竹葉

鍾乳粉 素白皮 紫苑莖去 熟人參各等分

右咬咀每服四錢水一盞半夏二片棗一枚煎
七分去滓空心服

凡遇六甲年敦阜之紀歲土太過雨濕流行腎水受
邪民病腹痛清厥意不樂體重煩冤甚則肌肉痿足
痿不收脰善瘕脚下痛中滿食減四肢不舉為風所
復則反腹脹溇泄腸鳴甚則太谿絕者死

附子山茱萸湯

治腎經受濕腹痛寒厥足痿不收

腰膝疼痛行步艱難食則中滿食

不下或腸鳴溇泄

附子

萸肉

各一兩

木瓜

烏梅

各半兩

半夏

丁香

減半

肉果

各三兩

藿香

一分

右咬咀每服四錢水一盞半姜七片棗一枚煎

七分去滓溫心服

凡遇六庚年堅成之紀歲金太過燥氣流行肝木受

邪民病脇與小腹痛目赤背傷痒耳無聞體重煩寃

胸痛引背脇滿引小腹甚則喘欬逆氣背肩尻陰股

膝髀膕胫足痛為火所復則暴痛脚脇不可反側欬
逆甚而血溢甚則太衝絕者死

牛膝木瓜湯 治肝虛遇歲金燥濕更勝脇連小腹

拘急疼痛耳聾目赤欬逆肩背連尻
及陰股膝髀膕胫皆痛悉主之

牛膝酒浸

木瓜各一兩

芍藥

杜仲姜製去絲炒

枸杞

黃松節

兔絲子酒浸

天麻各三分

甘草炙半兩

右咬咀每服四錢水一盞半姜三片棗一枚煎

七分去滓空心服

凡遇六丙年流衍之紀歲水太過寒氣流行邪害心
 火民病心煩身熱躁悸陰厥上中下俱寒謔妄心痛
 甚則腹大胫腫喘欬寢汗憎寒上氣為土所復則反
 腹滿腸鳴溇泄食不化渴而妄冒甚則神門絕者死
 川連茯苓湯 治心虛為寒冷所中身熱心躁手足
 反寒心腹腫痛喘欬自汗甚則大腸

便血

黃連 茯苓 各一兩 麥門冬 去心 通草

車前子 炒 遠志 去心 姜汁製 各半兩 半夏

黃芩 炙甘草 各一分

右咬咀每服四錢水一盞半姜七片棗一枚煎七分去滓空心服

凡遇六丁年委和之紀歲木不及燥乃盛行民病中清腰脇小腹痛腸鳴溇泄為火所復則反寒熱瘡瘍瘰癧腫欬而熱

蓯蓉牛膝湯 治肝虛為燥所熱傷腰脇并小腹痛

腸鳴溇泄或發熱徧體瘡瘍欬嗽肢

滿鼻衄

肉蓯蓉

酒浸

懷牛膝

酒浸

乾木瓜

白芍藥

熟地

當歸身

炙甘草

各等分

火長然哉

右咬咀每服四錢水一盞半姜三片烏梅半個
煎七分去滓空心服筋痿腳弱加鹿角屑同煎
凡遇六癸年伏明之紀歲火不及寒乃盛行民病胸

滿痛脇支滿膺背肩髀兩臂內痛鬱冒朦昧心痛暴
瘖甚則屈不能伸髀髀攣痛為土所復則反鶩澹食
飲不下寒中腸鳴泄注腹痛暴攣痿痺足不能任身
黃芪茯苓神湯 治心虛挾寒心胸中痛兩脇連肩背

肢滿噎塞鬱冒朦昧髀髀攣痛不能
屈伸或下利澹泄飲食不進腹痛手
足痿痺不能任身

黃芪 茯神 遠志去心 姜汁炒 紫河車

酸棗仁炒等分

師奔無棗仁
有米仁

右咬咀每服四錢水一盞半姜三片棗一枚煎

七分去滓空心服

凡遇六已年卑監之紀歲土不及風氣盛行民病殮

泄霍亂體重腹痛筋骨繇併肌肉暱酸喜怒不常為

金所復則反胸脇暴痛下引小腹善太息氣容於脾

食少失味

白朮厚朴湯 治脾虛為風冷所傷心腹脹滿疼痛

四肢筋骨重弱肌肉暱動痠廝善怒

霍亂吐瀉或胸脇暴痛下引小腹

善太息食少失味

白朮 厚朴製姜 半夏 桂心 藿香 青皮

乾姜炮 甘草炙各半兩

右咬咀每服四錢水一盞半姜三片棗一枚煎

七分去滓食前溫服

凡遇六乙年從草之紀歲金不及炎火盛行民病肩背脊重嘔噎便血注下為水所復則反頭腦戶痛延及腦頂發熱口瘡心痛

紫苑湯 治肺虛感熱欬喘滿自汗衄血肩背脊

重便血注下或腦戶連腦頂痛發熱口瘡

心痛

紫苑茸 白芷 人參 甘草 地骨皮

杏仁 桑皮 各等分

右咬咀每服四錢水盞半棗一枚姜三片煎七

分去滓空心服

凡遇六辛年涸流之紀歲水不及濕乃盛行民病腫
滿身重濡泄寒瘍腰股臃膈膝痛不便煩寃足痿清
厥脚下痛甚則跗腫腎氣不行為木所勝則反面色
時變筋骨并臂肉睏瘰目視瞢瞢肌肉胗發熱并膈

師本有黃芪
白芍無白芷

中痛于心腹

五味子湯

治腎氣虛卧坐湿地腰膝重着疼痛腹
脹滿濡泄無度行步艱難足痿清厥甚
則浮腫面色不常或筋骨并臂暱瘵目
瞶、膈中及咽痛

五味子

附子

巴戟

心去

鹿茸

燎去毛
酥炙

山茱萸

熟苳

杜仲

姜汁浸
各等分

右咬咀每服四錢水一大盞姜七片鹽少許煎

七分去滓食前服以效為度

凡六壬六戌六甲六庚六丙之歲乃水火土金水太

過為五運先天六丁六癸六巳六乙六辛之歲乃木
火土金水不及為五運後天民病所感治之各以五
味所勝調和之以平為期

六氣叙論

夫陰陽升降在天在泉上下有位左右有紀地理之
應標本不同氣應異象逆順變生太過不及悉能病
人世謂之時氣者皆天氣運動之所為也今能次地
理為本氣然後以天氣加臨為標有勝有復隨氣主
治則悉見病源矣

本氣論

自大寒後至春分 厥陰風木為一主氣

春分至小滿 少陰君火為二主氣

小滿至大暑 少陽相火為三主氣

大暑至秋分 太陰濕土為四主氣

秋分至小雪 陽明燥金為五主氣

小雪至大寒 太陽寒水為六主氣

凡一氣所管六十日 八十七刻半為本氣後以天之
六氣臨御觀其逆後以藥調和使上下合德氣無相
奪此天地之紀綱變化之淵源不可不深明之

六氣時行民病証治

辰戌之歲太陽寒水司天太陰濕土在泉氣化運行
先天

初之氣乃少陽相火加臨厥陰風木民病瘟疫身熱
頭痛嘔吐肌腠瘡瘍

二之氣陽明燥金加臨少陰君火民病氣鬱中滿
三之氣太陽寒水加臨少陽相火民病寒反熱中癰
疽注下心熱脅悶

四之氣厥陰風木加臨太陰濕土風濕交爭民病大
熱少氣肌肉痿足痿注下赤白

五之氣少陰君火加臨陽明燥金民病迺舒

終之歲太陰濕土加臨太陽寒水民病慘淒孕死

治法宜甘溫以平水酸苦以補火抑其運氣扶其不

勝

靜順湯 治辰戌之歲太陽寒水司天太陰濕土在

泉民病身熱頭痛嘔吐氣鬱中滿脅悶少

氣足痿注下赤白肌腠瘡瘍發癰疽

白茯苓 宣木瓜 各一兩 訶子肉 懷牛膝 酒浸各三分

炙甘草 炮乾姜 各半兩 川附子 三分 防風 半兩

右咬咀每服四錢水一盞半煎七分去滓空心

服

其年自大寒至春分宜去附子加枸杞半兩自
春分至小滿依前八附子枸杞自小滿至大暑
去附子木瓜乾姜加人參地榆枸杞白芷生姜
各三分自大暑至秋分依正方加石榴皮半兩
自秋分至小雪依正方自小雪至大寒去牛膝
加當歸芍藥阿膠炒各三分

郊酉之歲陽明燥金司天少陰君火在泉氣化運行
後天

初之氣太陰濕土加臨厥陰風木此下尅土民病中
濕腫脹面目浮腫善上氣衄嚏欠嘔吐小便黃赤

甚則淋

二之氣少陽相火加臨少陰君火此臣居君位民病疫癘大至善暴死

三之氣陽明燥金加臨少陽相火此下尅上民病燥熱交合涼風間發寒熱頭痛作渴

四之氣太陽寒水加臨太陰濕土此下土尅上水民病暴仆振慄譫妄少氣咽乾引飲心痛癰腫瘡瘍寒瘡骨痿便血

五之氣厥陰風木加臨陽明燥金民病氣不和

終之氣少陰君火加臨太陽寒水此下尅上民病溫

治法宜鹹寒以抑火辛甘以助金汗之清之散之安其運氣

審平湯 治邪酉之歲陽明司天少陰君火在泉病

者中熱面浮鼻腫鼻嚏小便黃赤甚則淋或癘氣行善暴仆振慄譫語寒瘡癰腫便

血

遠志去心姜製炒 檀香各一兩 天門冬去心 生姜

山茱萸各三分 白朮 白芍 甘草炙

右咬咀每服四錢水一盞半煎七分去渣食前

服

自大寒至春分加白茯苓半夏紫蘇生姜各半兩

自春分至小滿加玄參白微各半兩

自小滿至大暑去遠志白朮山萸肉加丹參澤

瀉各五錢

自大暑至秋分去遠志白朮加酸棗仁車前子

各半兩

自秋分至大寒並依正方

寅申之歲少陽相火司天厥陰風木在泉氣化運行

先天

初之氣少陰君火加臨厥陰風木民病濕厲氣拂於

卷五
上血溢目赤欬逆頭痛血崩脇滿膚腠生瘡

二之氣太陰濕土加臨少陰君火民病熱鬱欬逆嘔吐胸臆不利頭痛身熱昏憤膿瘡

三之氣少陽相火加臨少陽相火民病熱中聾瞑血溢膿瘡欬嘔衄渴欠喉痺目赤善暴死

四之氣陽明燥金加臨太陰濕土民病胸滿身重

五之氣太陽寒水加臨陽明燥金民避寒邪君子周

密

終之氣厥陰風木加臨太陽寒水民病開閉不禁心痛陽氣不藏而欬

治法宜鹹寒平其上辛溫治其內宜酸滲之泄之清之發之

升明湯

治宣申之歲少陽相火司天厥陰風木在

泉病者氣鬱熱血溢目赤欬逆頭疼嘔吐

胸臆不利聾瞑作渴身重心痛陽氣不藏

瘡瘍煩躁

紫檀香

車前子炒

小青皮

製半夏

酸棗仁

炙甘草

生水薑

薑藤各半兩

右咬咀每服四錢水一盞半煎七分去滓空心

服

自大寒至春分加白薇玄參各半兩

自春分至小滿加丁香一錢

自小滿至大暑加漏蘆升麻赤芍藥各半兩

自大暑至秋分加茯苓兩半

自秋分至小雪依正方

自小雪至大寒加五味子兩半

丑未之歲太陰濕土司天太陽寒水在泉氣化運行

後天

初之氣厥陰風木加臨厥陰風木民病血溢筋絡拘

強關節不利身重筋痿

二之氣少陰君火加臨少陰君火民病溫厲盛行遠近咸若

三之氣太陰濕土加臨少陽相火民病身重跗腫胸腹滿

四之氣少陽相火加臨太陰濕土民病腠理熱血暴溢心腹脹滿寒瘡甚則肘腫

五之氣陽明燥金加臨陽明燥金民病皮膚寒氣及

體

終之氣太陽寒水加臨太陽寒水民病關節禁固腰

腫痛

治法用酸以平其上甘温以治其下以苦燥之温之甚則發之泄之贊其陽火令禦其寒

備化湯 治丑未之歲太陰濕土司天太陽寒水在

泉病者關節不利筋脉拘急身重痿弱或

瘟癘盛行遠近咸若或胸膈腹滿甚則浮

腫寒瘡血溢腰脰痛

宣木瓜

雲茯苓

去木各一兩

懷牛膝

酒浸

附子

炮去皮臍各三分

乾地黄

覆盆子

各半兩

甘草

一分

生姜

三分

右咬咀每服四大錢水一盞半煎七分去滓食

遠服

自大寒至春分依正方

自春分至小滿去附子加天麻防風

各半兩

自小滿至大暑加澤瀉

三分

自大暑至秋分至小雪小雪至大寒並依正方

子午之歲少陰君火司天陽明燥金在泉氣化運行
先天

初之氣太陽寒水加臨厥陰風木民病關節禁固腰
腫痛中外瘡瘍

二之氣厥陰風木加臨少陰君火民病淋目赤氣鬱

而熱

三之氣少陰君火加臨少陽相火民病熱厥心痛寒熱更作喘欬目赤

四之氣太陰濕土加臨太陰濕土民病黃疸鼽衄噎乾吐飲

五之氣少陽相火加臨陽明燥金民乃安康伏邪於春為瘡

終之氣陽明燥金加臨太陽寒水民病上腫欬喘甚則血溢下連小腹而作寒中

治法宜鹹以平其上苦熱以治其內鹹以與之苦以

發之酸以收之

正陽湯

治子午之歲少陰君火司天陽明燥金在

泉病者關節禁固腰痛氣鬱而熱小便淋
目赤心痛寒熱更作欬喘或嘔衄嗝乾吐
飲發黃痺喘甚則連小腹而作寒中悉主
之

白薇

玄參

川芎

桑皮

矣

當歸

芍藥

旋覆花

甘草

生姜

右呔咀每服四錢水一盞半煎七分去滓空

心服

自大寒至春分加杏仁升麻各半兩

自春分至小滿加茯苓車前子各半兩

自小滿至大暑加杏仁麻仁各二分

自大暑至秋分加荆芥茵陳各一分

自秋分至小雪依正方

自小雪至大寒加紫蘇子兩半

巳亥之歲厥陰風木司天少陽相火在泉氣化運行

後天

初之氣陽明燥金加臨厥陰風木民病寒寒當作痛干右

脇下寒

二之氣太陽寒水加臨少陰君火民病熱中

三之氣厥陰風木加臨少陽相火民病淚出耳鳴掉

眩

四之氣少陰君火加臨太陰濕土民病黃痺跗腫

五之氣太陰濕土加臨陽明燥金燥濕相勝寒氣及

體

終之氣少陽相火加臨太陽寒水此下水尅上火民

病瘟癘

治法宜用辛涼以平其上鹹寒調其下畏火之氣無

妄犯之

三國方論
三氣時
民病
正治
三
端竹堂

敷和湯

治己亥之歲厥陰風木司天少陽相火在

泉病者中熱而反右脇下寒耳鳴淚出掉

眩燥濕相搏民病黃痺浮腫時作溫癘

半夏

茯苓

枳實

炒 麩

橘紅

炮姜

酸棗仁

訶子

校 炮 去

炙草

五味子

各 五 錢

右咬咀每服四錢水一盞半煎七分去渣空心

服

自大寒至春分加鼠粘子分一

自春分至小滿加麥門冬心去 各 分一

自小滿至大暑加紫苑分一

自大暑至秋分加澤瀉山梔仁各一分

自秋分至小雪小雪至大寒並依正方

六氣凡例

凡六氣數起於上而終于下歲半之前自大寒後天氣主之歲半之後自大暑後地氣主之上下交互氣交主之司氣以熱用熱無犯司氣以寒用寒無犯司氣以涼用涼無犯司氣以溫用溫無犯司氣同其主亦無犯其主則少犯之謂之四畏若天氣反時可依時及勝其主則可犯以平為期不可太過也

三因極一病證方論卷五終